

懷餘書屋宋集

卷一

卷之

余接興安篆。得讀青陽陳春漢大令所書。  
水利志。按折條分。朗若列眉。自愧不文。而徇  
其家之請。僭弁言於簡端。竊喜大令之  
功在桑梓。而作書垂後。其用意為至深也。  
因就其家詢。大令文集。則以奉遺囑藏諸

家乘不敢問此辭。余強索之。盟誦。卷。歟。  
然而興曰。有是哉。大令之文。即大令之行。  
述也。余雖未窺古大家門徑。而即大令  
之文。以曉懷。大令之人。其論議則蘇文  
忠之指陳利弊。忠中機宜也。其講說則  
陳北溪之口海指畫。明白如話也。其公

讀書。則分六一南豐之派也。其傳記銘  
贊。則得龍門扶風之神也。而余所竄服  
膺者。尤在首重綱常。於忠臣孝子節婦  
之事。疑之不倦。深得三百篇之遺意。至於  
先世述畧。服官事畧。師友淵源。皆本諸心  
得之餘。以垂為家範。孔子云。有德者必有

言其大令之謂歟。此而不廣其傳可乎。爰  
選惠付梓。而謹為之序。余之佩服大令  
深矣。以云操鑒。則吾豈敢。

同治九年二月。東萊林慶貽拜撰。



慎餘書屋文集目錄

許四庫池養著

卷一

賦

論

議

說

卷二

公牘

書格

卷三

紀事

疏

記

卷四

引

序

祭文

傳

卷五

誌銘

頌

述略

家傳

壙誌

祠堂記

改葬記



事略

師友記

自贊

送窮賦

余轉徙於燕趙兮。歲忽屆夫戊寅。帳屢更於黔突兮。荒  
皇皇以勤民。有黎民之窮鬼兮。隨我身以逡巡。謂朴與  
於無與兮。投所向而遭屯。將日增而彌蹙兮。爰積怒以  
生填。於是召三尸之神。求五行之蠹。執而數之。並問其  
故。於人何疎。於余何慕。久而見追。如膠之固。矧菲薄以  
自持。曾聲色之莫肯顧。恒兀兀而孜孜。日黽勉以成務。  
迺見義而必爲。遂與物而多忤。維惠迪之有常兮。詎刻  
勵而愈苦。苟非子之可驅兮。將惟天之是訴。深夜旣寂。

四座無喧。俯若有聽。繼頸而蹕。歸咎於窮。窮亦有言。伊  
吾子之守拙。恨太明夫。是非惜物力之有盡。今曾不取  
以自肥。儻友朋而不恤。今難與誼而相違。嗟性真之所  
尚。殆自致於調饑。獨困頓而不悔。今窮將舍子而安歸。  
且與古而爲役。早自信以不疑。雖報政之莫逮。亦每去  
而見思。名者造物所忌。或以抑鬱爲扶持。旣不以彼易  
此。今卽往訴其將奚爲。儻見責而遽去。今又恐負子之  
所期。於是聞聲轉憐。守正益堅。理無終窮。時至則還。謹  
負荷於仔肩。聊體任於自然。九秋九辯。佳此遠寄。聊以

銀乏價昂行鈔可濟謹詳稽錢法利弊用銀用鈔  
附以論說爲鈔法末議七則俟

名公卿擇以

聞焉亦野人獻曝之意云爾道光丙午秋陳池養謹識

### 錢法論

錢行於世久矣夏商以前其詳靡記可知者其周太公  
九府圜法錢圜函方輕重以銖乎秦并天下爲半兩錢  
漢患其重鑄榆莢錢輕而生弊文帝鑄四銖除盜鑄錢  
令賈誼諫之其時吳鄧錢滿天下武帝初行三銖後鑄

五銖。周郭其質，令不得磨取銹焉。王莽更制，大致滋擾。世祖建武中，復行五銖。蓋五銖得輕重之中也。三國曹魏罷錢不用，後穀帛滋僞，更用五銖。晉武帝因之。東渡後，錢法淆雜。梁普通鑄鐵錢，法愈壞矣。北朝元魏宣武鑄五銖，鼓鑄不如法，民不用。武定時私鑄濫惡。齊文宣欲改未果。隋高祖受周禪，以天下錢貨輕重不等，乃鑄新錢，背面肉好皆有周郭，文曰五銖，重如其文。悉禁舊錢及私錢。自是錢弊始一。唐武德四年鑄開元通寶錢。歐陽詢制詞及書，字含八分篆隸三體，其詞先上後下。

次左後右讀之。自上及左迴環讀之亦可。俗謂之開通  
元寶錢。每十錢重一兩。計一千重六兩四兩。輕重得貨  
之宜。與漢五銖相仿。肅宗鑄乾元重寶錢。以一當十。  
鑄重輪乾元錢。一當五十。蓋用兵權宜之計。代宗時減  
重寶錢一當二。重輪錢一當三。馬乾德後則銅錢鐵錢  
並用而不勝其弊。宋初鑄錢。悉準開元。太宗親書淳化  
元寶。作真行草三體。自後改元更鑄。以年號元寶爲文。  
神宗時王安石弛銅禁。姦民銷錢爲器。邊關海船復闌  
出錢幣。民患錢荒。南渡後會子興焉。金元古錢及鈔並

用不鑄錢。明洪武鑄大中通寶，繼鑄洪武通寶。嘉靖時患小錢，因頒錢式鼓鑄。隆萬兩朝加重半銖，其初制錢與前代古錢相兼行使。天啟後廣置錢局，括古錢以充廢銅，上下相蒙，銷錢鑄錢，彌鑄彌惡。小錢充斥，不可禁。夫三代以上，錢之用少；自漢迄今，錢之用漸多。亦時勢使然。若論錢法之善，則漢之五銖、唐之開元最爲得中，無弊。隋之五銖、宋之太平淳化、祥符、明之洪武、永樂、靖隆、萬等錢，可以匹休。我

朝順治、康熙、雍正、乾隆一百五十餘年間，鼓鑄精密，極得

古人不惜銅不愛工之意其時錢貨物賤家給人足嘉慶以來錢質鬆脆鑄亦稀少大抵官鑄錢惡則苦盜鑄故有來子荇葉鵝眼縷之稱皆言錢之惡劣也然鑄錢善又苦盜銷銷之既多錢不足用山澤藏奸市牙牟利盜鑄亦因而起我

朝錢法盡善惜銅禁不申錢多爲民所鉅今官鑄大不如前仍以銅少工貴不能多鑄私鑄小錢又所在多有然貨物之貴由於銀之貴卽錢之賤亦由於銀之貴非錢之多而賤也議者第欲伸錢抑銀不知近日官鑄好錢



甚少私鑄小錢甚多庫貯出入必用官錢竊恐銀乏而絀未見錢多而充也況近聞番舶並載好官錢而去恐不二三年間錢與銀俱絀也

### 銀價論

古有三幣管子國蓄篇稱珠玉爲上幣黃金爲中幣刀布爲下幣刀布卽錢也然太公九府圜法旣曰錢圜函方輕重以銖又曰黃金方寸而重一兩布帛廣二尺二寸爲幅長四尺爲匹意周時殆黃金布帛與錢兼權而用歟秦幣二等黃金外惟銅錢蓋古時黃金甚多上下